

Reykjavíkurborg  
Haraldur Sigurðsson  
Borgatúni 12-14  
105 Reykjavík

Reykjavík 25. júní 2020  
UST202006-064/A.B.  
10.04.02

### **Efni: Drög – Tillaga að breytingu á aðalskipulagi Reykjavíkur 2010 - 2030 – Elliðaárvogur – smábátahöfn**

Vísað er til erindis skipulagsfulltrúa sveitarfélagsins er barst 3. júní sl. þar sem óskað er umsagnar Umhverfisstofnunar um drög að tillögu að breytingu á aðalskipulagi Reykjavíkur 2010 – 2030 fyrir smábátahöfn í Elliðaárvogi.

Í greinargerð kemur fram að breytingin, sem er minni háttar, gengur út á að hafnargarði við smábátahöfnina verði breytt og hann færður utar. Eldri garður, sem er um 0,28 ha, er felldur út og nýr garður, sem verður um 0,27 ha, verður gerður norðar á svæðinu.

#### **Rask**

Þó svo að aðalskipulagsbreytingin sé minniháttar eru framkvæmdir á svæðinu þó nokkrar. Í greinargerð kemur fram að áformað er að hluti hafnarsvæðisins verði dýpkaður og núverandi innsiglingarrenna að höfninni verði dýpkuð. Í greinargerð kemur ekki fram hvaða aðferðum verði beitt við dýpkunarframkvæmdir og bendir Umhverfisstofnun á mikilvægi þess þar sem um er að ræða viðkvæmt svæði og að við framkvæmdir verði raski haldið í lágmarki.

#### **Fiskgengd**

Umhverfisstofnun telur æskilegt að haft sé samráð við Hafrannsóknastofnun og það sé metið í tillögunni hver áhrif landfyllingar, m.a. þrengingar á svæðinu, verði á fiskgengd í Elliðaárnar.

#### **Mengandi efni**

Í mati á umhverfisáhrifum landfyllingar í Elliðaárvogi kom fram að við greiningar á mengunarefnum í botnseti mældust hækkuð gildi á TBT og í áliti Skipulagsstofnunar frá 17. mars 2017 var m.a. sett það skilyrði að gengið yrði úr skugga um hættu á mengun úr neðri lögum botnsets í samráði við Heilbrigðiseftirlit Reykjavíkur. Umhverfisstofnun telur því að skoða verði fyrirhugað dýpkunarsvæði m.t.t. styrks mengandi efna.

### Samlegðaráhrif - lífríki

Umhverfisstofnun bendir á að svæðið sem Elliðaárvogurinn nær til er viðkvæmt og með hátt verndargildi á margan hátt. Á svæðinu eru leirur sem falla undir 61. gr. laga nr. 60/2013 um náttúruvernd, þar er mikilvægt fuglasvæði samkvæmt Náttúrufræðistofnun Íslands og er Elliðaárvogur á tillögu að B-hluta framkvæmdaáætlun náttúruminjaskrár.

Umhverfisstofnun telur æskilegt að sammögnunaráhrif séu metin, þar sem tekið sé tillit til umhverfisáhrifa annarra framkvæmda í Elliðaárvoginum, sérstaklega framkvæmda við fyrirhugaða Vogabyggðar- og Borgarlínu.

### Leyfi


Í gögnum, sem fylgja tillögu að breytingu á aðalskipulagi, kemur ekki fram hvernig staðið verði að framkvæmdum vegna breytinga á varnargarðinum. Umhverfisstofnun vekur athygli á því að varp dýpkunarefna í hafið er háð leyfi stofnunarinnar samkvæmt 9. gr. laga nr. 33/2004 um varnir gegn mengun hafs og stranda. Notkun efnis í opna landfyllingu telst vera varp í hafið samkvæmt 4.gr. í leiðbeinandi reglum um meðferð dýpkunarefnis (sem eru aðgengilegar á heimasíðu Umhverfisstofnunar) og því leyfisskylt.

Umhverfisstofnun bendir á að stofnunin afgreiddi umsókn frá umhverfis- og skipulagssviði Reykjavíkurborgar með bréfi dags. 18. mars. sl. þar sem veitt var leyfi til að varpa 5.400 m<sup>3</sup> af dýpkunarefni í efnisnámuna við Engey. Framkvæma átti dýpkunina með gröfu, moka efninu upp á pramma og flytja af staðnum. Þann 24. mars barst stofnuninni tilkynning um breytt verklag við dýpkunina og nýjan losunarstað en samkvæmt því yrði dýpkunarefnið losað á bakka á hafsbotni og sléttað út á allt að 18 m breiðu svæði rétt innan við (sunnan við) innsiglingarrennuna í stað þess að losa það við Engey. Umhverfisstofnun féllst ekki á að veita leyfi til að varpa dýpkunarefni í hafið samkvæmt breyttu fyrirkomulagi og breytingu á losunarstað sbr. bréf stofnunarinnar dags. 2. apríl sl.



Axel Benediktsson  
sérfræðingur

Virðingarfyllst



Björn Stefánsson  
sérfræðingur